

RECENTIORA
SACRORUM RITUUM
CONGREGATIONIS
DECRETA

Nullibi haëtenus conjunctim
impressa,

A IO: BAPTISTA PITTONO
SACERDOTE VENETO

COLLECTA.

IMPRESSIO SECUNDA.



EXCUDEBAT VENETIIS

Leonardus Pittonus Collectoris Pater.

ANNO M. DCCII.

SUPERIORUM PERMISSU.



D E C R E T A 3

SACRORUM RITUUM

CONGREGATIONIS

E D I T A

ANNIS, DIEBUS, & MENSIBUS,
UT INFRA.

Anni		Numeri
1638. 6. Febr.	I N Kalendaris Locorum fiat nota <i>ad libitum</i> , quando Officia non sunt de præcepto.	1.
1638. 16. Octob.	— Si Festum SS. Corporis Christi inciderit in Vigiliam S. Jo: Baptistæ, Jejunium celebretur in Feria quartâ proximè præcedenti: De Vigilia verò nihil eo Anno fiat.	2.
1646. 12. Apr.	— Ille idem, qui benedicit Cineres primæ die Quadragesimæ, vel Candelas in Festo Purificationis, aut Ramos in Dominica Palmaram, debet etiam cantare Missam sequentem, & hoc antea pariter decisum fuit 26. Febr. 1628.	3.
1642. 22. Dec.	— Festum de Patrono principaliori Locci est præceptivum cum obligatione audiendi Missam, & vacandi ab operibus servilibus.	4.
1843. 8. Apr.	— Personæ tantum voventes tenentur servare Festa veluti de præcepto, quæ inducta sunt ex voto.	5.
1647. 10. Febr.	— In Missis Votivis de Passione, vel de Cruce, quæ dicuntur infra Hebdomadam Passionis, non est omittendus Psalmus <i>Judica me Deus</i> , neque <i>Gloria Patri</i> ad Introitum, & <i>Lavabo</i> , licet hæc omnia omittantur in Missa de Tempore.	6.
1652. 5. Octob.	— Nemo potest excedere limites verbales Indultorum Sedis Apostolicæ super Beatificationibus, præsertim in celebratione Missarum, &	7.
	2 2 Officii	

Officii cum Octavis, sine expressa licentia prædictæ Sedis Apostolicæ.

- 1652. 9. Aug. — Non licet in media nocte Nativitatis Dominicæ celebrare successivè alias duas Missas, & in eis Sacram Communionem exhibere Fidelibus illam deposcentibus, sed utrumque omnino prohibitum. 8.
- 1653. 12. Aug. — Festum, quod in aliqua Ecclesia celebratur ratione Corporis, vel insignis Reliquiæ, non habet Octavam, nisi specialiter concedatur à Sede Apostolica. 9.
- 1659. 27. Sept. — Beatorum non sine non apponantur in Calendariis, nisi illi instantum loci, earumque Personarum, à quo, & à quibus Cultus cum Officio, & Missa celebratur. 10.
- 1659. 27. Sept. — Non sunt invocandi Beati in publicis precibus, præter indultas, & approbatas, nec eorum Reliquiæ in Processionibus circumferendæ. 11.
- 1660. 17. Apr. — Licet non sint celebrandi Dies Festi in Beatorum honorem, hoc tamen non extenditur ad Festa Devotionis. 12.
- 1660. 17. Apr. — Indulta recitandi Officium cum Octava, & celebrandi Missam de Beatis, non sunt revocata per Decretum editum sub die 27. Septemb. 1659. 13.
- 1660. 17. Apr. — In Illis Ecclesiis, in quibus Officium, & Missa de Beatis recitari, ac respectivè celebrari possunt, licet eorum Reliquias exponere, Imagines, vel simulachra super Altari collocare, ac votivas Tabellas ibidem appendere. 14.
- 1660. 17. Apr. — Episcopi Regulares, qui ex indulto Sedis Apostolicæ gaudent Privilegiis suæ Religionis, de quibus sunt capaces pro eorum conditione, non possunt de Beatis suæ Religionis recitare Officium, & in propriis Cathedralibus Missam celebrare, & Altare prædictis Beatis erigere. 15.
- 1662. 8. Apr. — Regulantes tenentur quidem celebrare Festum de Dedicatione Ecclesiæ Cathedralis, sed sub ritu duplici secundæ classis sine Octava. 16.
- 1662. 5. Aug. — In Festo duplici non possunt dici Missæ Votivæ priyate, aut de *Requiem*: Hoc Decretum 17.

tum intelligendum est etiam de Festo duplici trans-
lato.

1662. 3. Aug. — Non sunt transferendæ Missæ priva- 18.
tæ de *Requiem*, quæ ex Benefactorum præscripto ce-
lebrandæ, incidunt in Festum duplex, sed dicendæ
sunt de Festo currenti cum applicatione Sacrifici
juxta mentem Benefactorum.

1663. 4. Aug. — Manus Sacerdotis ad *Hanc igitur obla-* 19.
tionem debent ita extendi, ut palmæ sint apertæ, pol-
lice dextero super sinistrum in modum Crucis supra
manus, non verò infra manus.

1663. 4. Aug. — Passio in Hebdomada majori legenda 20.
est in Missis privatis in cornu Evangelii, licet in
Missâ solemni legatur à Celebrante in cornu Epi-
stolæ.

1663. 4. Aug. — Non solum Cruces, & Imagines Sal- 21.
vatoris, sed etiam Icones Altarium, & omnes aliæ
Imagines SS. tegendæ sunt in primis Vesperis de
Dominica Passionis.

1663. 4. Aug. — Hebdomadarius in decantandis Horis 22.
Canonicis non debet uti Sola.

1663. 4. Aug. — Cruces, quæ fiunt à Sacerdote super 23.
Oblata, non sunt faciendæ manu transversa, sed ma-
nu recta in transversa parte Crucis.

1663. 4. Aug. — Licet Episcopus non celebret, sed tan- 24.
tùm assulat Missæ solemni, Celebrans debet ad Con-
fessionem respondere Episcopo usque ad *Indulgentiam*
inclusivè, non verò simul cum illo dicere *In nomine*
Patris, &c.

1663. 4. Aug. — Pars inferior Hostiæ, non verò su- 25.
perior præcidenda est, quando dicitur *Pax Domini sit*
semper Vobiscum.

1663. 4. Aug. — Finito Evangelio Missæ solemnis, cui 26.
assistit Episcopus cum Cappa, thurificandus est Ce-
lebrans, non verò Episcopus.

1663. 4. Aug. — Sacrificia in Die Commemorationis 27.
omnium Fidelium Defunctorum possunt applicari
ad libitum, scilicet, tum in genere pro omnibus, tum
etiam in specie pro aliquibus Defunctis

1663. 4. Aug. — Canonici Pluviali, Planeta, Dalma- 28.
tica, vel Tunicella induti non possunt deferre Al-

mucias: Canonico verò Defuncto etiam sacris Vestibus induto imponi potest Almucia super brachium.

1663. 4. Aug. — Possunt Canonici Missam celebrare cum Annulo aureo, & de rigore uti, sed sine gemma, & sine aliqua effigie. 29.
1664. 12. Jul. — Recitantes ex legitima concessione Officium de SS. Corpore Christi in feria quinta per Annum non impedita, illud recitare debent, ut prescribitur in Die ejusdem solemnitatis, Missam verò celebrare de Communi, seu Votivam. 30.
1664. 12. Jul. — Infra Octavam SS. Corporis Christi non est agendum de Officiis translatis ritu duplici primæ classis non decoratis, ideoque si Festum S. Antonii Patavini, quod apud Regulares Franciscanos celebratur sub ritu duplici secundæ classis, inciderit in prædictum Festum de SS. Corpore Christi, transferatur post Octavam. 31.
1664. 12. Jul. — Lectiones primi Nocturni in Officio de Festo duplici majori sumendæ sunt (nisi sint proprio) ex ejus Communi, non verò ex Scriptura occurrenti, licet eodie occurrat Initium, quod cæteroquin non habeat amplius locum infra eam Hebdomadam. 32.
1664. 15. Sept. — Non permittitur ad Altare majus celebratio Missæ, dum dicuntur in Choro Matutinum, & Horæ, 33.
1664. 22. Nov. — Anniversaria, & Missæ de Requiem, quæ ex dispositione Testatorum cum cantu sunt quotannis celebrandæ, possunt cantari, etiam si ipsorum obitus Dies inciderit in Festum duplex majus. 34.
1666. 23. Febr. — In expositione, aut repositione SS. Sacramenti, ad *V. Panem de Cælo* semper additur *Alleluja*, præterquam à Septuagesima usque ad Sabbatum Sanctum. 35.
1666. 18. Sept. — Si simul sint transferenda Festa S. Marci Evangelistæ, & SS. Apostolorum Philippi, & Jacobi, prius reponatur Festum S. Marci, deinde Festum Apostolorum. 36.
1666. 18. Sept. — Ad Responsorium breve Completorii 37.

torii in Dominica Passionis ne omittatur *Gloria Patri*, si die sequenti fiat de Festo semiduplici.

1668. 9. Jun. — Sacerdotes (sive Capellani sint, sive non) qui recitant Officium semiduplex, simplex, velferiale, si celebrent in aliqua Ecclesia Regularium, in qua fit de Festo duplici, non debent dicere Missam de *Requiem*. Quod si Festum illud duplex, de quo agunt Regulares (sub quo nomine veniunt etiam Moniales) habuerit Missam propriam omnibus, & solis Regularibus concessam, Sacerdotes Seculares celebrantes in eadem Ecclesia Regularium, Missam quidem dicant de Festo duplici, sed cum Missali Romano, ex Dec. S. R. C. 19. Nov. 1622.

1669. 8. Jun. — In Officio de die infra Octavam SS. Corporis Christi non legitur nona lectio de Festo simplici: Quod si Festum simplex occurreret eo die, quo fit de Festo duplici infra eandem Octavam, tunc non omittitur, sed legitur nona lectio de eodem Simplici, dummodo Festum illud non sit duplex primæ classis.

1669. 23. Sept. — Missæ de Festo duplici celebratæ in Altari Animabus Privilegiato, suffragantur, ac si celebratæ fuissent pro Defunctis juxta formam Privilegiorum.

1670. 21. Jun. — Infra Octavam SS. Corporis Christi non sunt dicendæ Missæ Votivæ privatæ, aut de *Requiem*.

1679. 30. Sept. — In aspersione Aquæ benedictæ, quæ diebus Dominicis fit à Sacerdote Alba, & Stola induto, sive etiam cum Pluviali, immediatè celebraturo Missam Conventualem, Stola aptanda est ante pectus ad modum Crucis, non verò pendens à collo ad utrumque latus.

1679. 30. Sept. — Sacerdotes in Die Cœnæ Dominicæ Sanctissimum Christi Corpus sumpturi, possunt deferre Stolum, vel ante pectus ad formam Crucis, vel à collo pendentem.

1679. 30. Sept. — Festum duplex occurrens ante Octavam non privilegiatam, non est transferendum post Octavam, sed infra eandem celebrandum prima die non impedita.

1679. 30. Sept. — Missa assignata Festivitati Conceptionis Beatæ Virginis Mariæ, non est dicenda in Sabbatis, ut Votiva. 45.
1680. 7. Sept. — Officium particulare alicujus Diæcesis, vel Religionis, quod occurrit die 25. Februarii, est transferendum in Anno Bissextili ad primam diem non impeditam, dummodo non sit 1. Classis. 46.
1680. 7. Dec. — Occurrentibus eadem die duobus Festis duplicibus infra Octavam SS. Corporis Christi, non est de translato agendum die immediate sequenti non impedita, sed post Octavam, nisi fuerit ex solemnioribus primæ classis. 47.
1680. 7. Dec. — Si occurrat Officium novem lectionum de pluribus Virginibus simul, & Martyribus eo die, quo cadit Festum simplex ejusdem qualitatis servanda est pro commemoratione Simplicis Antiphona *Istorum est enim*. 48.
1680. 7. Dec. — Officia Sanctorum, quæ alicubi supersunt de Mense Decembri, possunt transferri in Annum sequentem. 49.
1681. 11. Jan. — Licet transferatur Festum Purificationis Beatæ Virginis Mariæ, attamen *Ave Regina Celorum* dicenda est die 2. Februarii post Completorium etiam in Ecclesia propria. 50.
1681. 1. Mar. — Si transferatur Festum S. Lucie in feriam secundam ratione Dominicæ privilegiatæ, Vesperæ erunt de die Octava Conceptionis cum commemoratione S. Lucie. 51.
1681. 1. Mar. — Quotiescumque in Sabbato ante Dominicam privilegiatam Officium fuerit de septima die infra aliquam Octavam, Psalmi Vesperarum, erunt de Psalterio, capitulum de Dominica sequenti cum sola commemoratione de die Octavo, & hoc antea etiam decisum fuit 9. Nov. 1632. 52.
1681. 1. Mar. — In Processionibus, quæ fiunt cum SS. Sacramento, qui incedunt ante idem SS. Sacramentum, in occurso, & transitu à tatere ejusdem, debent facere genuflexionem, dummodo videatur SS. Sacramentum. 53.
1681. 1. Mar. — In Processionibus Candelarum, Palmarum, & similium, quæ fiunt intra Ecclesias, non est 54.

est pulsanda Campanula ad elevationem SS. Corporis Christi in Missa privata: Quod si pulsetur, & advertatur elevatio, tunc genustectendum utroque genu à transeuntibus ante Altare, ubi Missa celebratur, & deposito SS. Sacramento, progrediendum: Similiter, si alii transeant in elevatione Calicis.

1681. 24. Jan. — Festa ad libitum occurrentia in diebus Dominicis, Octavis, & Natalitiis Sanctorum alicujus Diœcesis, vel Religionis, sunt omittenda. 55.
1682. 24. Jan. — Officia ad libitum occurrentia eo die, in quo alias aliquod Festum translatum poni deberet, vel in quo agendum esset Officium concessum semel in Hebdomada, vel in Mense, possunt celebrari, protracto ulterius ad aliam diem Festo translato, vel omisso Officio per Hebdomadam, aut per Mensem concessio. 56.
1682. 24. Jan. — Regulares non tenentur recitare Officia de Patronis minus principalibus, nisi sint descripta in Calendario Romano, vel in proprio dictorum Religiosorum. 57.
1682. 3. Jun. — Regulares tenentur celebrare sub ritu duplici primæ classis cum Octava Festum de Dedicatione, & de Titulari Ecclesiæ illius Conventus, in quo morantur. 58.
1682. 13. Jun. — Si Festum ad libitum non potuerit celebrari, & habuerit etiam ritum simplicem de præcepto, eo Anno non omittatur, sed celebretur ritu simplici. 59.
1682. 13. Jun. — In repositione duorum, vel plurium Festorum ritum habentium eundem, & die occurrentium diversa, attendatur prioritas translationis, nisi attendenda sit major dignitas. 60.
1682. 28. Nov. — Nemo potest assignare Festis translatis diem fixum, sine speciali licentia Sedis Apostolicæ. 61.
1683. 13. Jan. — Si Festum Sancti Confessoris transferatur in proximè sequentem diem, in Hymno *Iste Confessor* nulla fiat mutatio Versiculi, sed dicatur *Meruit beatas*, dummodo primæ Vesperæ non sint impeditæ. 62.
1683. 20. Mar. — Officia affixa diebus Dominicis, ut de SS. 63.

de SS. Rosario, & de Patrocinio Beatę Virginis Marię, si sint impedita Festo altioris ritus, vel dignitatis, sunt omittenda.

1683. 20. Mar. — Regulares tenentur quidem celebrare sub ritu duplici primę classis Festum de Patrono principali Loci, Regni, seu Provincię, & de Titulari Ecclesię Cathedralis, sed ad eorum Octavas non tenentur. 64.

1683. 10. Nov. — Si concedatur pro aliquo Festo Ritus duplex sine expressione majoris, vel minoris, concessio intelligatur de duplici minori, etiamsi ad honorem Deiparę facta fuerit. 65.

1684. 13. Jun. — In Ecclesiis Titularibus B. V. Marię facienda est in Suffragiis commemoratio de eadem Beata Maria, non obitante, quod in Choro recitur ejusdem Officium parvum: & hoc antea etiam decissum fuit 10. Jan. 1604. 66.

1684. 23. Sept. — In Festo Nominis B. V. M. non est facienda commemoratio de ejusdem Nativitate, & in secundis Vesperis de Nativitate cadentibus in Sabbato, non est facienda commemoratio de Nomine ejusdem B. M. V. 67.

1684. 2. Dec. — Sola ratione SS. Sacramenti expositi non est dicendum Symbolum in Missis privatis. 68.

1684. 2. Dec. — Durante expositione SS. Sacramenti non potest regulariter celebrari Missa de *Requiem*, neque cantari pro adimplenda mente testatoris, sive Anniversario satisfaciendo, licet curat Officium hujusmodi Missas admittens. 69.

1684. 2. Dec. — In occurso non potest transferri Officium proprium alterius Diocesis, vel Religionis, ut eo die agatur de Festo ad libitum, ne omittatur. 70.

1684. 2. Dec. — Qui celebrat Missam de Beata Maria eodіe, quo fit de aliquo Festo semiduplici infra Octavam ejusdem Beatę Marię, debet dicere Missam de Octava, sed more Votivo, sine *Gloria*, & sine *Credo*, nisi fuerit Sabbatum, quia tunc dicenda erit *Gloria* sine *Credo*. 71.

1684. 2. Dec. — Potest fieri commemoratio de SS. Sacramento, si expositum sit, etiam in Missa de Festo duplici, quod non sit primę, vel secundę classis. 72.

1684. 2. Dec. — Non est omittenda una ex assignatis Orationibus in Missali, veluti *A cunctis*, ut ejus loco dicatur aliqua Oratio imperata ab Episcopo, ut *Deus Refugium*, neque ut recitetur penultimo loco Oratio pro Defunctis. 73.
1684. 2. Dec. — Qui in Sabbato recitat Officium de Beata Maria, si celebret Votivam de aliquo Sancto, non debet dicere *Gloria*, neque Præfationem Beatæ Mariæ. 74.
1684. 2. Dec. — Licet in illis Ecclesiis, in quibus adest inveterata consuetudo cantandi Missam Votivam de Beata Maria singulis diebus Sabbati, possit hic pius usus, seu Populorum devotio continuari etiam in Sabbatis Festo duplici impeditis, non est tamen omittenda Missa Conventualis. 75.
1684. 2. Dec. — Qui recitat Officium de Sancto, de quo habet insignem Reliquiam in propria Ecclesia, si celebret eo die in alia Ecclesia, debet omittere *Credo*. 76.
1685. 15. Sept. — Si Officium Nominis B. V. Mariæ venerit in die Octava Nativitatis ejusdem, Officium erit de Nomine, omitta in utriusque Vesperis, & Laudibus commemoratione de die Octava Nativitatis. 77.
1686. 4. Maii. — Cum primùm habita fuerit certa, notitia de obitu alicujus Personæ, cantari poterit Missa de *Requiem* etiam in Festo duplici, quod non sit de præcepto, nam in hoc casu prædicta Missa erit differenda. 78.
1686. 20. Jul. — Officium Nominis B. V. Mariæ occurrens in Festo Exaltationis Sanctæ Crucis, vel in alio altioris ritus, aut dignitatis, transferatur, non verò omittatur. 79.
1686. 20. Jul. — Si plura sint transferenda Festa, quæ eadem die occurrunt, & quibus non convenit ratio majoris dignitatis, attendatur in eorum repositione major Apparatus, & Populi concursus, ex quo vocatur etiam major Solemnitas, supposito tamen, quod sint ejusdem ritus. 80.
1688. 16. Apr. — Quando dicitur Oratio *A cunctis*, vel Ecclesia, non est dicenda Oratio contra Paganos, vel alia 81.

alia hujusmodi, quia sufficienter una continet, quod
& altera.

1688. 23. Sept. — In illa Ecclesia, ubi adest Capella, 82.
vel Altare SS. Rosarii, potest celebrari Officium de
eodem SS. Rosario sub ritu duplici majori.
1688. 5. Oct. — Si in Die Commemorationis omnium 83.
Fidelium Defunctorum occurrerit Dominica, vel
alicubi Festum de præcepto diei Dominico æquale,
Officium cum Missa Defunctorum transferatur in
diem sequentem etiam Festo duplici impeditam.
1689. 29. Jul. — Quando dicitur Collecta, vel Missa 84.
contra Paganos, non potest mutari nomen *Paganorum*,
dicendo, *Turcarum*, *Hereticorum*, &c.
1690. 11. Febr. & 11. Mar. — In Sabbato Sancto om- 85.
nino prohibentur Missæ privatz etiam post pulsa-
tionem Campanarum in quacumque Ecclesia, aut
Oratorio privato, non obstante contraria consuetu-
dine.
1690. 11. Mar. — Si Festum Annunciationis B. V. M. 86.
occurrerit in Feria Sexta in Parasceve, vel in Sabba-
to Sancto, transferatur ejus Officium una cum præ-
cepto audiendi Missam, & vacandi ab operibus ser-
vilibus ad Feriam secundam post Dominicam in Al-
bis, protrahito ad aliam diem Festo in ea occurrente,
nisi fuerit duplex primæ classis.
1690. 11. Mar. — In Patronorum, sive Protectorum 87.
præcedentia servandus est Ordo Hierarchiæ Eccle-
siasticæ, & intra Ordinem Hierarchicum antero-
ritas in electione.
1690. 10. Jun. — Translato Festo, in cujus Die con- 88.
ceditur Indulgentia, non transfertur etiam Indul-
gentia, nisi ex concessione speciali.
1691. 11. Aug. — Quæcumque Dies Octava B. V. M. 89.
debet habere integras utraq. Vesperas in concur-
rentia cum Festo duplici minori.
1691. 19. Octob. — De Sancto, cujus habetur Corpus, 90.
vel insignis Reliquia, non potest fieri Officium, nisi
constet de identitate, & nisi reperiatur in Martyro-
logio Romano: Reliquiæ verò possunt exponi ad
Fidelium venerationem.
1692. 30. Mar. — Officia ad libitum possunt transferri 91.
in so.

in solam sequentem diem, dummodo non sit impedita Festo duplici, vel semiduplici, vel non habeatur reponendum aliquod Festum translatum, cujuscumque ritus.

1692. 26. Apr. — Si primæ Vesperæ de S. Martina, 92.
impeditæ fuerint Festo duplici, vel Dominica,
Hymnus proprius Vesperarum uniatur Hymno
Matutini, & ex duobus fiat unus sub unica conclu-
sione *A nobis abigas*.
1692. 17. Maii. — A die 17. Decembris inclusivè usque 93.
ad Vigiliam Nativitatis exclusivè fieri potest quod
cumque Officium novem lectionum, sive occur-
rens, sive etiam translatum.
1692. 13. Jun. — Si Festum Sancti Confessoris transfe- 94.
ratur ultra sequentem diem, in Hymno *Iste Confessor*
facienda est mutatio Versiculi, dicendo *Meruit su-
premos*.
1692. 14. Jun. — Si simul transferenda sint Festa S. Jo- 95.
seph, & Annunciationis, prius reponatur Anuncia-
tio, deinde S. Joseph, non obitante Decreto edito in
contrarium sub die 13. Jun. 1682.
1692. 13. Sept. — Si Festum S. Joseph venerit in Fe- 96.
ria quinta in Cœna Domini, non solum servandum
erit præceptum vacandi ab operibus servilibus, sed
etiam præceptum audiendi Missam, ideoque per
Ordinarios Locorum accuratè providendum, ut eo
die aliquæ Missæ privatæ ante celebrationem soli-
tæ Missæ Conventualis non desint. Idem dicen-
dum, si Festum Annunciationis occurrerit in prædi-
cta Feria quinta
1692. 13. Sept. — In prædicto casu S. Josephi occur- 97.
rentis in Feria quinta in Cœna Domini, antiquus
mos Communionis Cleri in Missa solemni ejusdem
diei, summa religione hætenus retentus, nullatenus
omittatur ob aliquarum celebrationem Missa-
rum.
1692. 13. Sept. — Ubi celebratur Festum S. Raphaelis 98.
Archangeli, ad octavam Benedictionem dicatur
cujus Festum, non verò *Quorum Festum*.
1693. 19. Jan. — Officia ad libitum occurrentia infra 99.
Octavas non privilegiatas, etiam particulares alicu-
jus

ius Diæcesis, vel Religionis, non sunt celebranda, sed omittenda.

1693. 21. Febr. — Officium S. Margaritæ Scotorum Reginae, quod celebrabatur die octava Julii sub ritu semiduplici ad libitum, nunc celebretur die decima Junii sub ritu semiduplici de præcepto, & ideo in tertia lectione secundi Nocturni omittantur verba illa, *cujus Festum, &c.* 100.
1693. 26. Febr. — Si Festum de Septem Doloribus B. V. M. impediatur ab Officio altioris ritus, vel dignitatis, transferatur in Sabbatum sequens non impeditum, & non ulterius. 101.
1694. 23. Jan. — Cum Vigilia S. Matthiæ occurrerit ultima die Bacchanalium, observetur eadem die Jejunium, non verò anticipetur. 102.
- 1694. 27. Mar. — Officium S. Joannis de Matha, celebrandum est sub ritu duplici de præcepto. 103.
- 1694. 15. Maii. — Festum S. Felicis de Valois occurrentis die 20 Novembris, celebratur sub ritu duplici de præcepto. 104.
- 1694. 4. Sept. — Festum S. Thomæ de Villanova, quod celebrabatur die decima Octava Septembris sub ritu semiduplici ad libitum, celebretur quidem eadem die, sed sub ritu semiduplici de præcepto. 105.
- 1694. 2. Octob. — Non est amplius celebrandum sub ritu semiduplici Officium S. Philippi Benitti, sed sub ritu duplici de præcepto. 106.
- 1694. 18. Decembr. — Ne in Ecclesia Universalidetur Casus, in quo Officia ad libitum celebrentur infra Octavas, non amplius agatur die quarta Julii de Festo S. Elisabeth Portugaliæ Reginae sub ritu semiduplici ad libitum infra Octavam Apostolorum, sed illius Officium fiat in posterum die Octava ejusdem Mensis sub ritu semiduplici de præcepto. 107.
1696. 18. Febr. — Extenditur ad Ecclesiam Universalem Festum Beatæ Virginis Mariæ de Mercede, celebrandum die vigesima quarta Septembris sub ritu duplici de præcepto cum Oratione propria, & Lectionibus secundi Nocturni: At quia in Decreto non exprimitur sufficienter Ritus, ideo intelligendum est 108.

est de duplici minori, ut patet ex superius dictis,
1683. 20. Nov.

1696. 9. Jun. — Officium S. Claræ Virginis occurrentis die duodecima Augusti habet modò in secundo Nocturno tres Lectiones proprias, quas pro Ecclesia Universalì approbavit Sacra Rituum Congregatio. 109.

1696. 22. Dec. — Non est transferendum in diem immediate sequentem Festum illud, ante cuius translationem habentur reponenda alia Officia prius translata ejusdem ritus, non obstante Decreto edito sub die 30. Sept. 1679. Quoad verò Festum semiduplex in Dominica infra Octavam occurrens, omnino servanda est Rubrica generalis Breviarii *de transl. Festor. tit. 10. num. 5.* Ex quo inferitur, quod non nisi in prædicto casu transferendum est Semiduplex in diem immediate sequentem infra Octavam, *Exceptio enim firmat regulam in non exceptis*, ideoque, de Festo semiduplici, quod occurrit in Festo duplici infra Octavam, non potest amplius fieri die immediate sequenti, licet non impedita, sed post Octavam, non obstante Decreto edito sub prædicta die 30. Septembr. 1679. 110.

1697. 27. Apr. — In Vigilia Epiphaniæ omnino prohibentur Missæ Votivæ privatæ, & de *Requiem*. 111.

1697. 31. Aug. — Festum S. Andreæ Corsini, quod celebrabatur sub ritu semiduplici ad libitum, nunc celebretur sub eodem quidem ritu, sed de præcepto. 112.

1697. 31. Aug. — Officium S. Alexii hætenus celebratum ritu semiduplici ad libitum, modò est semiduplex de præcepto. 113.

1698. 27. Sept. — Si occurrerint, vel fuerint transferenda duo Festa ejusdem ritus, quæ unica die occurrerant, quorum unum sit universale, & alterum particulare alicujus Diæcesis, vel Religionis, prius fiat de universali, deinde de particulari, nisi obliet ratio majoris dignitatis. 114.

1698. 27. Sept. — Primæ, & secundæ Vesperæ Angelorum Custodum dividendæ sunt à Capitulo, si concurrant cum Festo duplici minori, ex quo inferitur, non esse attendendam majorem dignitatem in concurre. 115.

cur.

currentia Festi duplicis minoris cum Officio ejusdem ritus, exceptis Festis B. V. M.

1698. 6. Dec. — Festum Translationis, Ordinationis, Apparitionis, vel Inventionis, quod alicubi celebratur ratione Corporis, vel insignis Reliquiæ, celebrandum est sub ritu semiduplici, nisi sit Festum unicum, vel principale. 116.
1701. 16. Apr. — Officium S. Petri de Alcantara, quod celebrabatur ritu semiduplici, celebretur in posterum sub ritu duplici de præcepto. 117.
1701. — In Paramentis nigris non est administranda Eucharistia. 118.
1702. 11. Febr. — Officium S. Ubaldi, quod celebrabatur sub ritu semiduplici *ad libitum*, modò est semiduplex de præcepto, & habet Orationem propriam, ac tres Lectiones secundi Nocturni. 119.
1702. 1. Jul. — Conceditur Officium simplex S. Liborii Episcopi Confessoris occurrentis die 23. Julii cum sola commemoratione in Vesperis. & Laudibus, ac cum Oratione *Da quesumus* ex ejus Comuni. Quod si die 23. Julii fuerit Sabbatum, nona lectio erit de *Vigilia* anticipata S. Jacobi Apostoli, & pro commemoratione S. Liborii Oratio *Exaudi*. 120.

LIBRI MODERNI STAMPATI NVOVAMENTE.

IL Pensiero de' Pensieri, dodeci considerazioni sopra la Nobiltà, Bellezza, Prezzo, & altre Qualità dell' Anima nostra, cavate in parte da un' Operetta del Padre Gio: Pietro Pinamonti della Compagnia di Giesù. Si vende soldi sei.

Spiegazione del *Magnificat*, Opera postuma del Padre Paolo Segneri della Compagnia di Giesù, non più stampata, con il Ritratto dell' Autore in Rame. Soldi dieci.

Decennio Romano de' Divini Officii, ovvero Calendario Romano per dieci Anni, dall' Anno 1703. sino all' Anno 1712. *inclusivè*, esposto ad' utile, e comodo di tutte le Diocesi da D. Gio: Battista Pittoni Sacerdote Veneto. Lire una.